



Broj: 45-1/21

Bosna i Hercegovina
Sarajevo | 27.09.2021. godine
PARLAMENT FEDERACIJE
SARAJEVO

Primljeno: 29-09-2021			
Org. jed.	Broj	Priloga	Vrijednost
01	- 02 -	705	18

Parlament Federacije Bosne i Hercegovine

ZASTUPNIČKI DOM

N/r Predsjedavajući

Gosp. Mirsad Zaimović

Hamdije Kreševljakovića br. 3, 71000 Sarajevo

PREDMET: Prijedlog za izmjene i dopune NACRTA Zakona o zastupanju u osiguranju i posredovanju u osiguranju i reosiguranju – veza: dopis predsjedatelja Doma naroda Parlamenta Federacije BiH od 28.6.2021. godine i dopis predsjedavajućeg Predstavničkog doma Parlamenta Federacije BiH broj 01,02-02-705/18 od 22.06.2018. godine

Poštovani g. Zaimović

Obraćamo Vam se ispred Udruženja društava za osiguranje u Federaciji BiH kao strukovne organizacije koja zastupa interese osiguravateljske djelatnosti u BiH i Federaciji BiH, a sukladno članu 159. Poslovnika Zastupničkog doma Parlamenta Federacije BiH.

U skladu sa zaključcima Predstavničkog doma Parlamenta Federacije Bosne i Hercegovine te zaključkom Doma naroda Parlamenta Federacije BiH na nastavku 11. sjednice od 28.6.2021. godine kojim se „zadužuje predlagatelj da prilikom izrade Prijedloga zakona ima u vidu sve sugestije, primjedbe i prijedloge iznesene u raspravi, kao i one koje su dostavljene ili će biti dostavljene u pisanoj formi“, u prilogu Vam dostavljamo na uvid Prijedlog za izmjene i dopune NACRTA Zakona o zastupanju u osiguranju i posredovanju u osiguranju i reosiguranju koji je 21.09.2021. godine od strane našeg Udruženja upućen Federalnom ministarstvu finansija kao nadležnom za razmatranje izmjena i dopuna predmetnog Nacrta zakona.

Napominjemo da je ovaj Prijedlog rezultat višemjesečne rasprave unutar radnih tijela Udruženja društava za osiguranje u Federaciji BiH koje okuplja 16 društava za osiguranje koja posluju na teritoriji Federacije BiH te konsultacija obavljenih sa Agencijom za nadzor osiguranja F BiH.

S poštovanjem,



Generalni sekretar Udruženja:

mr.sc. Ermin Čengić

Prilog:

- Prijedlog za izmjene i dopune NACRTA Zakona o zastupanju u osiguranju i posredovanju u osiguranju i reosiguranju

Dostavljeno:

- Naslovu
- Predsjedavajućem Doma naroda Parlamenta FBiH
- a/a



Na osnovu konsultacija sa društvima za osiguranje-članovima Udruženja društava za osiguranje u FBiH (UDO F BiH), te usaglašenih preporuka Odbora za pravna pitanja UDO F BiH i saglasnosti Upravnog odbora UDO F BiH dostavlja se:

PRIJEDLOG
za izmjene i dopune Nacrta
Zakona o zastupanju u osiguranju i
posredovanju u osiguranju i reosiguranju

Predmet ovog Prijedloga su izmjene i dopune Nacrta Zakona o zastupanju u osiguranju i posredovanju u osiguranju i reosiguranju. Predložene su slijedeće izmjene i dopune:

1. Da se u članu 4. stav (1) mijenja i glasi:

(1) Zastupnik u osiguranju kao fizičko lice, pod uvjetom da je dobio ovlaštenje Agencije za obavljanje poslova zastupanja, obavlja poslove zastupanja u osiguranju na osnovu ugovora o radu, odnosno drugog pravnog odnosa sa društvom za zastupanje u osiguranju, poduzetnikom za zastupanje u osiguranju, podružnicom društva za zastupanje u osiguranju u Federaciji čije je sjedište u Republici Srpskoj, u banci i u JP BH Pošta d.o.o. Sarajevo i Hrvatska pošta d.o.o. Mostar.

OBRAZLOŽENJE

Iz kompletnog teksta Nacrta može se zaključiti da fizičko lice ne može samostalno obavljati poslove zastupanja, već u okviru nekog organiziranog oblika: poduzetnika (obrta), društva za zastupanje (d.o.o. ili d.d.) ili pošte, banke i sl.. To treba jasnije definirati, odnosno propisati da mora kumulativno ispuniti uvjete: ovlaštenje Agencije i zaposlenje u jednom od navedenih organiziranih oblika. Iz navedenog razloga je predložen dati tekst, a po uzoru na odredbe člana 6. Zakona o zastupanju i posredovanju u osiguranju RS.

2. Da se u članu 5. stav (1) u dijelu „kao dioničko društvo, odnosno društvo s ograničenom odgovornošću“ zamjeni redoslijed riječi, te da glasi: „kao društvo s ograničenom odgovornošću, odnosno dioničko društvo“

OBRAZLOŽENJE

Primarni oblik organiziranja društva za zastupanje je društvo sa ograničenom odgovornošću, a vrlo rijetko dioničko društvo, pa smatramo da društvo sa ograničenom odgovornošću treba staviti na prvo mjesto.

3. Da se u članu 5. stav (2) iza riječi „dozvole Agencije,“ dodaju riječi „niti izvršiti promjenu podataka koji se upisuju u sudski registar bez saglasnosti Agencije .“

OBRAZLOŽENJE

Predloženo je potrebno dodati da bi se izbjegle nedoumice u praksi prilikom upisa promjena podataka društava za zastupanje u sudskom registru..

4. Da se u članu 7. stav (1) i stav (2) u potpunosti brišu.